

Grond engaschi per carstgauns en grevas situaziuns

Tras la Crusch Cotschna en il Grischun pervia da corona

GIUSEP CAPAUL/FMR

■ L'onn 2020 ha la pandemia corona pretendì era da la secziun grischuna da la Crusch Cotschna Sviza in fitg grond engaschi. Ins saja vegnì confruntà cun pensums che nagin enconuscheva ed ins haja perquai stuì sa d'andar, co ins sappia dar il meglier sustegn. Las mesiras necessarias èn stadas dad adattar davent dal mars fin il december. Collavuratur, collavuratur sco era ils voluntaris han prestà oraifra lavur, demussond gronda solidaritad, sco il president da la secziun grischuna da la Crusch Cotschna Svizra, *Hans Geisseler*, scriva en il rapport annual. Fitg impurtantas sajan era la collavuraziun e coordinaziun cun autras instituziuns partenarias da la rait stadas. Comembers e fautors hajan demussà gronda solidaritad.

Damain manischnunz

En cas normals stattan 300 voluntaris da la Crusch Cotschna Svizra dal Grischun a disposiziun per transportar carstgauns attempads u tals cun pitschna mobilitad cun autos privats tar lur termins medicinal. Davent dal mars eri be pli pussaivel da far transports per tractaments medicinal urgents u terapias. Bliers che procuravan quels transports s'udevàn tar la gruppa da ristg sur 65 onns e n'han betg pli astgà procurar tals transports. In temp avevan ins me-



Els timunan la secziun da la Crusch Cotschna Svizra en il Grischun: Hans Geisseler (san.), president e Denise Ryffel, mainagestiu - en occasiun dad ina surdada da mangiativas e products d'igièna da l'acziun «2xNadal» dal 2018/19.

FOTO PHILIPP BAER

mia paucs manischnunz. Auters – da la protecciun civila – han stuì surpigiar quels transports. Percunter han 654 clients e clientas apprezzà la segirezza en la abitaziun tras pudair far adiever dal sustegn d'alarm d'urgenza tras la Crusch Cotschna Grischuna. A bliers han ils contacts socials mancà sco era la visita dals agens.

Promover l'integraziun

La Crusch Cotschna en il Grischun metta gronda paisa d'extender la rait da

las ovras colliadas. Tgi che na po betg lavurar per pli lung temp, ristga era da perder sia rait privata. Gist per la reintegraziun professiunala èn tals contacts fitg impurtants ed il post spezial da la Crusch Cotschna en il Grischun sa gida latiers. Era dà fadia vegn d'integrar fugitivs. 120 voluntaris s'engaschan persunter.

Scolar da tgirar

Scolaziun per tgirar individualmain e socialmain gliעד en grevas situaziuns s'au-

da tar las cumpetenzas centralas da la Crusch Cotschna. Uschia vegn intermedia da impurtanta savida. Covid-19 ha mussà clermain ch'il bainstar da la societad dependa da la cumpetenza sin il sector da la sanadad.

Gidanters e gidantras da tgrira èn perquai stads fitg tschertgads durant la pandemia. Il lockdown ha era confruntà la Crusch Cotschna dal Grischun en bieras dumondas tar la ergoterapia. La finamira da quella è da pussibilitar als pazients da pudair far part mintga di da la vita sociala.

Voluntaris activs

La Crusch Cotschna porscha era en il Grischun tras sia secziun cussegliaziun speziala per sustegnair la clientella en dumondas che pertutgan lur avegnir (disposiziun da pazients, cussegliaziun tar daivets, incaricas da provediment etc.) e sa gida era individualmain cun carstgauns en difficilas situaziuns sco per exempel cun l'acziun «2 x Nadal». Tras quella èn 19 tonnas – en furma da victualias e products d'igièna corporala – arrivadas en il Grischun e dadas vinavant ad instituziuns socialas.

Dal reminent s'engaschan bunamain 600 voluntaris en il Grischun sin 14 divers champs. Els han mess 2020 durant pli che 25 000 uras dal temp liber gratuitamain en servetsch da lur concars-tgauns sut l'egida da la Crusch Cotschna en il Grischun.